

## 開放文學 – 歷代筆記 – 奴才小史 寇連材

寇連材，直隸昌平州人也。年十五以奄入宮，事西後，為梳頭房太監，甚見親愛。舉凡西太后室內會計，皆使掌之。少長，見西太后所行者，多淫縱事。屢次幾諫。西太后以其少而賤，不以為意，惟呵斥之而已，亦不加罪。已而為奏事處太監。一年餘，復為西太后會計房太監。乙未十月，西太后杖瑾、珍二妃，蓄志廢立，日逼德宗為樗蒲戲。又給鴉片煙具，勸德宗吸之。而別令太監李蓮英，及內務府人員，在處廷肆其謠言，稱德宗之失德，以為廢立地步。又將大興土木，修圓明園以縱娛樂。連材大憂之。日夕眉皺，如醉如癡。諸內侍以為病狂。